

Gij Vah Youqgaenj Siz Ginbingz Cungjsuhgi Youq Aen Hoih Hong Minzczu Cunghyangh Gangj Haenx Yinx Gvangjsih Gak Gyaiq Fanjyiengj Hoenghhwd

习近平总书记在中央民族工作会议的重要讲话 在广西社会各界引发热烈反响

Bonjbauq siusik (gicej Luz Caudwz) Mboengqneix, Siz Ginbingz cungjsuhgi camgya Aen Hoih Hong Minzczu Cunghyangh caemhcai gangj vah youqgaenj, neix yinxndaej vunzlai aenbiengz gak gyaiq Gvangjsih fanjyiengj gig hoengh.

Gij vah youqgaenj Siz Ginbingz cungjsuhgi gietcomz le gij swhsiengj youqgaenj gvendaengz dem' ak caeuq gaijndei hong minzczu aendangi seizdaih moq, gig miz rengz bae con gvaq lizsij, aeu lijn gangjufug vunz caemhcai saenqdoengh simvunz. Ndawde miz haujlai lijn moq, gingniemh doenghbaez caeuq baijbouh gijhong. Gvangjsih dwg aen dieggung, yen diegsaedguh youqgaenj de, gaek miz "gij yaenq Gvangjsih", doiq neix vunzlai cungj gamjsouh aen laeg. Swcigih Minzczuhvej dwg gij bouhmonz guh hong minzczu aendangi caeuq cwngefuj, dou aeu guhndei gijhong, rapndei diuzrap, daezsang naengzliz, guhndei bouxbangfwngz ok geiqmaez ndeu." Boux dangicuj suhgi, bouxcujyin Swcigih Minzczuhvej Banh Cunghboz naeuz, dou aeu haglaeg gij vah youqgaenj Siz Ginbingz cungjsuhgi youq gwnz hoih gangj haenx caeuq gij cingsaenz gangjavah de gaujcaz Gvangjsih, aeu cukmaenh gij eiqsik caezcaemh Cunghvaz Minzczu guh sienqmeh, youq gij fuengmienh lumj hawj aendangi gyonjcomz caezcaemh lingidauj hong minzczu gyaak, hwnqguh aen ranzmbanj cingsaenz gak minzczu doxcaemh ndeu, coicaenh gak minzczu doxyau doxyungz doxndei daengj, guh'ok cingzci moq.

"Aen Hoih Hong Minzczu Cunghyangh seigangj gij cingzgvang hong minzczu seizneix, cix gangj ndaej laeg raeuh, hidungj gangjmingz aen swhsiengj gvendaengz dem' ak caeuq gaijndei hong minzczu aendangi youqgaenj de." Aen hoih neix dawz gij swhsiengj youqgaenj de gyonj guh cibngeih aen 'yaekaeu', neix ciepcienz le 'gouj aen genhciz' Aen Daihhoih Daihcaet Haen Minzczu Doxgiet Baenaj Daengx Guek gyonj hwnjdaej de, 'bet aen genhciz' Aen Hoih Daihseiq Hong Minzczu Cunghyangh gyonj hwnjdaej de, caemhcai riengz seizdaih baenaj hwnghat, hidungj daezsang." Bouxgyausou Gvangjsih Minzczu

Dayoz, bouxconhgyah guhdaeuz Gvangjsih Gij Eiqsik Caezcaemh Cunghvaz Minzczu Yenzgiuyen Gungh Yungjveih gangj, cibngeih aen "itdingh" neix aeu cukmaenh gij eiqsik caezcaemh Cunghvaz Minzczu guh sienqmeh, hidungj gangjmingz aen swhsiengj dazyinx, muzbyauh canloz, yinvu youqgaenj, banhfap cwnghcwz, neix vih hong minzczu vix ok fueng'yiengq. Dou aeu rox cibngeih aen "itdingh" youh caez youh cinj neix, dawz de cienzmienh gvancez guhsaed daengz diuz roen "cauhlaeb aen Gvangjsih gyaunde, saedyienh aen loqsiengj fukhwng" moq bae, ciengqok diuzgo "minzczu daihyi cibngeih hoz" cukmaenh aen gih yienghbanj gij eiqsik caezcaemh Cunghvaz Minzczu.

Gij vah youqgaenj Siz cungjsuhgi cunggez le gij saedguh hong minzczu aendangi ceiq moq de, neix dwg Majgwzsh Cuji minzczu lijn Cunghgozva aen makbaenz ceiq moq ndeu, neix vih hong minzczu vixok fueng'yiengq, baijok bouxdaez yinzminz gig gyaemaij lwgminz, vih lwgminz guhsaeh, yienh'ok Dangj-cunghyangh gvansim caeuq gyaemaij siujsoq minzczu caeuq ranghdieg siujsoq minzczu. "Gou dwg boux siujsoq minzczu ndeu, youh dwg boux dangjvej suhgi siujsoq minzczu swciyen, dingq le gij vah neix, gou roxnyinh saenqhwnj raixcaix." Boux dangjvej suhgi Bahmaj Yauzczu Swciyen Vangz Bingjfungh (Mauz-nanzcu) yienghneix naeuz, dou aeu doq hagsib gvancez gij cingsaenz aen hoih, doidoengh gij cingsaenz neix youq ranghdieg siujsoq minzczu haiva dawzaen. Vangz Bingjfungh maqmuengh cunghyangh ndaej cungdenj douzcienz ok cwnghcwz daemxcengj ranghdieg minzczu bae hwnghat guhhoengh lajmbanj, guhhoengh lajmbanj cix aeu dawz minzczu songyauq dangguh hong youqgaenj caeuq daemxcengj gaenbonj, hawj gak minzczu lwghag majhung baenz caiz, hawj vwnzva minzczu cienzdoengj mwnhoengh hwnghat, vih saedyienh aen loqsiengj Cungguk hawj Cunghvaz Minzczu fukhwng hungmbwk gietcomz rengz haenq.

"Gou dwg bouxvunz youq gihcwnghz guhhong ndeu, gak minzczu fuzvuyenz caemh yawj le gij vah

youqgaenj Siz Ginbingz youq Aen Hoih Hong Minzczu Cunghyangh gangj de caeuq gij sinhvwnz mizgvende, ndawde yienh'ok le gij lingidauj cunghyangh gig gvansim siujsoq minzczu ganbu, caeuq dou gamjcingz naekna." Boux dangjvej suhgi Nanzning Si Cunghvaz Cunghlu Segih Se Vazgenh gangj, aen segih neix caeuq Nanzning Hojcehcan doxdep, miz haujlai vunz daej daengz soufuj Gvangjsih, camh daih'it couh youq gizneix doekdin, ndaw segih miz 19 aen minzczu. Mbangjoux beixnuengx siujsoq minzczu mwh ngamq daengz Nanzningz seiz, mbouj aiq rox gangj Vahgun, guh seng'eiq couh guh mbouj baenz, miz mbangj cix mbouj rox son bouxlwg swhgeij sij cozyez..... Se Vazgenh couh youq segih guh aen ban son Vuhgun, guh "gya'gyauq simndei", bang gyoengqde huzswnh youq Nanzningz an' dingh roengzma. Se Vazgenh naeuz, baezlaeng de yaek engq miz cwngei cwzyinganj caeuq lizsij sawjminghganj guhndei hong minzczu, baengh Aen Fuzvu Daihding Segih, Aen Cungsim Dangj Vih Vunzlai Fuzvu, Aenranz Minzczu, Aen Dieggiek Sonlien Vahcuengh Vahgun daengj fuzvu cindi, aeu "minzczu cingzlaeg dangigeiz hoengz" "caensim, yiedsim, simndei" hawj gak minzczu vunzlai segih "haisim, swnhsim, cuengqsim", mboujduenh gyamaenh caeuq hwnghat gak minzczu bingzdaengj doxgiet doxbang huzndei, gyaak gij eiqsik caezcaemh Cunghvaz Minzczu gak minzczu ginzcong.

Dangz Gvanghvaz dwg bouxveicangj Aen Vwnzva Yozvei Bouxcuengh Aenbiengz Lungzlinz Yen. De daj bi 1991 iudaeuz guh Gaiq Daih'it "Aen Hawfwen Bouxcuengh Sam Nyied Sam", daengz seizneix gaenq ndaej 30 lai bi lo. Bi 1997, aenvih guh suiugu yaek senj vunz daengz yienhsingz, de caemh youq ndawde, doeklaeng de couh dawz gij fwen Bouxcuengh daiq daengz yienhsingz, bi 2012 de laebbaenz le Aen Vwnzva Yozvei Bouxcuengh Aenbiengz Lungzlinz, baez di baez di dawz gij minzczu vwnzva daiq haej cunghsiujyoz bae, caiq bauq ndaej le 12 aen swcigih gaep feihyiz hanghmoeg, gij fwen Lungzlinz cix ciengq daengz Baekging, Yanghgangj.....De itsim caenh siengj ciepcienz caeuq

cienzboq gij vwnzva minzczu, neix daiqdoengh le gij beixnuengx Myauzczu, Mulauzczu, Yizcu, Bouxgun Lungzlinz laebbaenz aen Yozvei minzczu swhgeij. "Seizneix haj aen minzczu dieg dou miz hozdung roxnaeuz ciet hung cungj doxheuh, gak minzczu 'gizgiz cungj sebhaeuj', gyalag yungzhab. Dou siengsaenq, miz Dangj-cunghyangh lingidauj, baezlaeng dou yenzgiu, ciepcienz, hwnghat, cienzboq minzczu vwnzva gwnzbiengz itdingh engq baenzsaeh."

"Gou bi neix ndaej 50 bi, song ngoenz neix caemh dingqny Aen Hoih Hong Minzczu Cunghyangh hai lo, miz baengzyoux cienjfat le gij vah bouxlingidauj cunghyangh hawj gou, gou dwg boux mehmbwk Myauzczu lajmbanj, couh gangjgangj geijcib bi doxdaeuj, gij bienqvaq ndwenngoenz dou ba." Vunzmbanj Yungzui Myauzczu Swciyen Mbanjmyauz Yijbuz Liengz Yaujcez naeuz, de daj lij iq couh maij gij ndangdaenj Myauzczu. Doenghbaez gyoengqde youq diegbya youq, ndwenngoenz gvaq ndaej gig hojndeq, ciuhciuh daihdaih cungj gag guh buhdaenj, de itsim caenh siengj gaijbienq cungj saedcej neix. Bi 1998, de bae daengz Nanzningz douzgau boux daxau ndeu, youq giz de dajgoeng ndaej 5 bi. Bi 2003, cwnghat haifat lijyouz vwnzva bae banggunz, Mbanjmyauz Yijbuz— aen ranzmbanj de yaek aeu bae guhbaenz giz diegbaeyouz, de doq ma ranz hai le aen diengzhong guh gij dinfwnghz siuqva ndangdaenj Myauzczu, daengz seizneix aen de gaenq bienqbaenz aen dieggiek fuhva cauhnieb ndeu, miz 40 hohcauhnieb gyahaeuj ndawde bae. Aen dieggiek neix bang le 30 lai boux cejnuengx Duncuz duetdungz.

"Doenghbaez baenzlawz ndaej guhdaengz yienghneix, mboujmiz aendangi bang Mbanjmyauz Yijbuz bienqbaenz aen diegbaeyouz, couh mbouj miz gij saedcej dou ngoenzneix." Liengz Yaujcez naeuz, "daj aen diengzhong daengz aen dieggiek fuhva cauhnieb caiq hwnghat baenz aen dieggiek hawj gak aen yozyau sonlien, baezlaeng dajsuenq hwnq aen bozvuzgvanz seivunz ndeu, gij ndwenngoenz caeuq saehnieb gou ngoenz ndei gvaq ngoenz, neix liz mbouj ndaej gij cwnghcwz ndei aendangi."